

ՀՈՎՍԵՓ ԱՐԳԱՐԻ ՕՐՐԵԼԻ

Փետրվարի 2-ին, Լենինգրադում վախճանվեց սովետական արևելագիտության ականավոր գեմքերից մեկը. ՍՍՄԽ Գիտությունների ակադեմիայի ակադեմիկոս, Հայաստանի Գիտությունների ակադեմիայի առաջին պրեզիդենտ, բաղմամբաստակ գիտնական Հովսեփ Արգարի Օրրելին:

Ակադեմիկոս Հովսեփ Օրրելին ծնվել է Քութալիսի քաղաքում, 1887 թ.

մարտի 8-ին (20-ին) հալ ընտանիքում: Ավարտելով Թիֆլիսի կլասիկ գիմնազիան, 1904 թ. նա ընդունվում է Պետերբուրգի համալսարանի պատմա-րանասիրական ֆակուլտետը, ուր աշակերտում է նշանավոր գիտնականներ Ժերելյովին, Մառին, Սմիրնովին և Բարտոլդին:

Դեռևս ուսանողական նստա-րանից նա աչքի է ընկնում լեզ-վաբանության, հնագիտության, արվեստագիտության ընտելացում-ներում: 1909 թվականից սկսած, երբ Օրրելին տալիս է 22—23 տարեկան էր, նա մասնակցում է Անիի պեղումներին և Ն. Մառի բացակայությունների ժամանակ դեկավարում հնագիտական էքսպե-դիցիան:

1911 թ. Հ. Օրրելին փալլուն կերպով ավարտում է Պետերբուրգի

համալսարանի երկու ֆակուլտետ: Նույն թվականին ուսական Գիտությունների ակադեմիան նրան զործուղում է Թուրքիա՝ ուսումնասիրելու Արևմտյան Հայաստանի, մասնավորապես Վասպուրականի հայկական, ուրարտական և սելջուկյան հուշարձանները: Դրա հետ միասին նա ուսումնասիրում է հալ և քուրդ բնակչության կենցաղն ու բարքառները և հարուստ նյութերով վերադառնում Պետերբուրգ:

1913 թ. Հ. Օրրելին Լենինգրադի համալսարանում հանձնում է հալ-վրացական ֆիլոլոգիայի դժով մագիստրոսական քննություններ և հաջորդ տարվանից ալնտեղ աշխատում որպես պրիվատ-դոցենտ:

1916 թ. Ն. Մառի հետ միասին Հ. Օրրելին զործուղվում է Վան, պեղումներ կատարում և հայտնաբերում ուրարտական թագավոր Սարգուր II-ի



թողած 265 տողանոց սեպագիր արձանագրությունը, որը բացառիկ տեղ է գրավում ուրարտագիտության մեջ:

Հովսեփ Օրբելու ամբողջ տաղանդը, որպես բաղձահմուտ գիտնականի ու հետազոտողի, որպես անսպառ էներգիայի տեր փալլուն կազմակերպչի, գրեկորվում է Հոկտեմբերյան Մեծ սևույուցիայի հաղթանակից հետո:

1918 թվականից նա, որպես Պետրոգրադի համալսարանի պրոֆեսոր և մի շարք գիտական հիմնարկությունների ու կազմակերպությունների անդամ, ակտիվ մասնակցություն է ունենում արևելագիտական, արվեստագիտական, հնագիտական հիմնարկները սովետական, սոցիալիստական հիմունքներով կառուցելու և վերակառուցելու գործում: Անխոնջ գիտնականի կազմակերպչական տաղանդն ու եռանդը հանդես են գալիս Պետական էրմիտաժում, որտեղ նա աշխատում է սկսած 1920 թվականից: Հ. Օրբելու ջանքերով է կազմակերպվում էրմիտաժի հարուստ արևելյան բաժինը և համաշխարհային հռչակ ստանում: 1934—1951 թթ. նա վարում է Պետական էրմիտաժի գիրեկտորի պաշտոնը:

1935 թ. Հ. Օրբելին ընտրվում է ՍՍՌՄ Գիտությունների ակադեմիայի ակադեմիկոս:

1930—1941 թթ. Օրբելու ակտիվ մասնակցությամբ և ղեկավարությամբ սովետական արևելագիտական մեծ գպրոցը արժանի մասնակցություն ունեցավ ինչպես արևելագիտական կոնգրեսներում, այնպես և կարևոր նշանակություն ունեցող խոշոր տարելիցների ժամանակ:

Հ. Օրբելու փալլուն ելույթներն այդ տարելիցներին հիացմունք էին առաջացնում գիտական հասարակայնության լայն շրջաններում:

Սակայն Հ. Օրբելու քեղիմաստը կյանքի բաղձաթիվ էջերը կապված են հայագիտության դարգացման, մասնավորապես Սովետական Հայաստանի գիտության և գիտական օջախների ստեղծման և գիտական կադրերի պատրաստման հետ:

Հ. Օրբելին 1938 թ. ընտրվում է ՍՍՌ Գիտությունների ակադեմիայի հայկական ֆիլիալի նախագահ, 1938—1939 թթ. նա ղեկավարում է «Մասունցի Դավիթ» էպոսի 1000-ամյակի հոբելյանը:

1943 թ., Հայրենական պատերազմի ծանր տարիներին Սովետական կառավարության որոշմամբ Երևանում հիմնվում է Հայաստանի գիտական մտքի խոշոր կենտրոնը՝ Գիտությունների ակադեմիան, և նորաստեղծ Ակադեմիայի առաջին պրեզիդենտ է ընտրվում Հովսեփ Օրբելին: Նա երկար ժամանակ գտնվում էր պաշարված Լենինգրադում, որտեղից նա դուրս չէր եկել, մինչև որ էրմիտաժի հարստությունները չէին տեղափոխվել թիկունք: Նա բլոկադայի դաժան պայմաններում, իր հայրենասիրական ելույթներով ոգևորում էր Լենինգրադի պաշտպաններին: Իսկ Հ. Օրբելին, որպես բացառիկ հոկտոր և անձնապահ քաղաքացի, գիտեր ոգևշնչել ամենքին: Նրա մեղադրական ելույթը, որպես վկայի 1946 թ. Նյուրնբերգում ֆաշիստ ավազակապետերի դատին, հնչեց աշխարհով մեկ:

Կոմունիստական պարտիան և Սովետական կառավարությունը բարձր են գնահատել Հ. Օրբելու ծառայությունները Հայրենիքի և ժողովրդի հանդեպ: Նա պարգևատրվել է Լենինի երկու, Աշխատանքային կարմիր դրոշի երկու շքանշաններով և մի քանի մեդալներով:

Հանձին Հովսեփ Օրբելու սովետական գիտութիւնը, մասնավորապէս հալագիտութիւնը, կորցրեց փալուն տաղանդի և գիտական բացառիկ սուր մտքի տեր հետազոտողի, հարյուրավոր երիտասարդ գիտնականների համար ոչինչ չխնայող ուսուցչի, նա կորցրեց գիտութեան մեջ առաջադեմ, կլանքում անկեղծ ու անմիջական, իրերի միտքի մեջ մարգարիտը որոնող ու գտնող, բազմահմուտ ու բոցաշունչ հայրենասեր քաղաքացի գիտնականի:

Հովսեփ Օրբելու պալծած կլանքի հմալիչ հիշատակը միշտ անմար կմնա մեր գիտութեան մեջ և մեր սրտերում:

**Հայկական ՍՍՌ Գ.Ս. Նախագահութիւն**

**Հայկական ՍՍՌ Մինիսթրների Սովետի Բարձրագոյն և Միջնակարգ Մասնագիտական կրթության կոմիտե**

**Հայկական ՍՍՌ ԴՊ. Հասարակական գիտարշուներէ բաժանմունք  
Երեւանի Պետական Խամալսարան**